

MENARIK DI DALAM


PELANTIKAN IKON MEM-
BACA KEBANGSAAN

KEMPEN PENYEMARAKAN
NILAI-NILAI MURNI

KURSUS RDA DI PNM



**MARI
MEMBACA
MALAYSIA**



*Kata-kata bijak
mengenai buku*

*Kata-kata bijak
mengenai buku*

*Kata-kata bijak
mengenai buku*

*Membaca tanpa mere-
nungkan ibarat makan
tanpa mencerna.*

*Sebuah kamar tanpa
buku bagaikan tubuh
tanpa jiwa.*

*Jalan menuju pengeta-
huan dimulai dengan
membalik halaman
buku.*

Edmun Burke

Marcus T. Cicero

Anonim

PENASIHAT

DATO' RASLIN BIN ABU BAKAR
KETUA PENGARAH PNM

KETUA EDITOR

ENCIK KAMARUDIN BIN MAT NATA
PENGARAH PERANCANGAN DAN
KORPORAT

EDITOR

ENCIK WAN MOHAMAD FAZALI BIN MOHD
SALLEH
PEN.PGH KANAN BPD

ENCIK MOHAMAD ZAKI BIN YUSOF
PEN.PGH BPP

WARTAWAN / PENULIS

ENCIK MUSTAFA BIN DAUD
PEN.PGH KANAN BPemuliharaan

ENCIK SAHRIL BIN LARIWOO
PEN.PGH BKNP

PUAN SITI DIANA BINTI DAHLAN
PEN.PGH BPP

CIK ROSMINI BINTI ISMAIL
PEN.PEG.PERPUSTAKAAN KANAN BGLM

PUAN SALWANA BINTI FADZIL
PEN.PEG.PERPUSTAKAAN BPDK

PUAN CHERANA ANAK MOH
PEN.PEG.PERPUSTAKAAN BPinjaman

ENCIK RICALDO GEONAN MAJUTIN
PEN.PEG.PERPUSTAKAAN BKP

ENCIK ISHAK BIN AWANG
PEN.PEG.PERPUSTAKAAN PBN

CIK SHAZILA BINTI JOHARI
PEN.PEG.PERPUSTAKAAN BRSP

KOORDINATOR PENERBITAN

ENCIK ZULKEFLI ABD SAMAD
KETUA BAHAGIAN PENERBITAN

PENTADBIR WEB JABATAN

CIK NUR AMALINA BINTI MOHAMED ANAWA
PEN.PEG TEK.MAKLUMAT

SUSUN ATUR / GRAFIK

ENCIK MOHD FIRDAUS BIN NGAH SA'AYA
PEN.PEG.PERPUSTAKAAN BPenerbitan

FOTO

BAHAGIAN PEMULIHARAAN PNM DAN
BAHAGIAN GERAKAN LITERASI MAKLUMAT
PERPUSTAKAAN NEGARA MALAYSIA



Masa berlalu begitu pantas, tahun 2011 telah melabuh tirainya. Alhamdulillah kita sudah melangkah ke tahun 2012 dengan terbitan sulung ini. Berbagai rancangan telah diatur dan dijalankan oleh Perpustakaan Negara Malaysia (PNM) sebagai salah satu jabatan dibawah Kementerian Penerangan Komunikasi dan Kebudayaan (KPKK). Biarpun berbagai aktiviti yang disusun dalam ruang masa yang agak padat, jabatan telah pun dapat mewarnai empat bulan pertama dengan jayanya.

Antara aktiviti yang telah berjaya dianjurkan oleh Perpustakaan Negara Malaysia ialah Majlis Pelancaran Ikon Membaca 1Malaysia yang baru dan serentak juga Pelancaran penerapan nilai-nilai murni 1Malaysia. Pelancaran Ikon Membaca 1Malaysia kali ini ialah tidak lain tidak bukan YBhg. Tun Dr Mahathir bin Mohamad, mantan Perdana Menteri Malaysia. Majlis disempurnakan oleh Timbalan Perdana Menteri YAB Tan Sri Muhyiddin bin Yassin. PNM juga telah menganjurkan seminar Resource Description and Access (RDA) yang mana ucapan tersebut telah disampaikan oleh Dr Barbara salah satu nama besar dalam profession kepustakawanan.

Selain daripada itu, Program Gerakan Membaca kali ini membawa kita berkunjung ke Kg Lubok Redan Melaka, Penjara Kota Kinabalu Sabah, Mari Membaca di Sayong Kuala Kangsar dan Kg Gagu Port Dickson Negeri Sembilan. PNM juga telah menjadi Tuan Rumah bagi Wacana Memartabat Bahasa Melayu dan Memperkukuhkan Bahasa Inggeris anjuran Sekolah Kebangsaan Setiawangsa Kuala Lumpur.

Sesungguhnya Program sebegini telah merencanakan tahun 2012 sebagai tahun yang penuh mencabar menjelang tahun 2020. Terima kasih bagi semua yang terlibat dalam menjayakan apa jua yang telah PNM anjurkan mahupun anjuran pihak Kementerian sendiri. Salam 1Malaysia dari saya dan semoga PNM terus maju di bawah KPKK.

Sekian, terima kasih.

Encik Kamaruddin bin Mat Nata
Pengaroh Perancangan dan Dasar Korporat
Perpustakaan Negara Malaysia
merangkap Ketua Editor Pustaka : Buletin Perpustakaan
Negara Malaysia

MAJLIS PELANCARAN IKON MEMBACA KEBANGSAAN DAN PENYEMARAKAN KEMPEN NILAI-NILAI MURNI 1MALAYSIA



Majlis penyampaian jubah keramat, ikon Membaca 1Malaysia oleh YAB Timbalan Perdana Menteri dan YB Menteri KPKK kepada Mantan Perdana Menteri Malaysia keempat Tun Dr Mahathir Mohamad



YB Menteri KPKK, Datuk Seri Dr Rais Utama bersalaman dengan YAB Timbalan Perdana Menteri selepas pelancaran penyemarakan kempen nilai-nilai murni 1Malaysia

Majlis Pelancaran Ikon Membaca Kebangsaan dan Penyemarakan Kempen Nilai-Nilai Murni 1Malaysia telah diadakan pada 14 Mei 2012 di Auditorium Perpustakaan Negara Malaysia dan disempurnakan oleh YAB Tan Sri Dato' Hj. Muhyiddin Hj. Mohd Yassin, Timbalan Perdana Menteri Malaysia. Sempena majlis tersebut, YABhg Tun Dr. Mahathir, mantan Perdana Menteri Malaysia ke-4 telah dilantik sebagai Ikon Membaca Kebangsaan. Penganjur program ini ialah Perpustakaan Negara Malaysia (PNM) dan Yayasan Kepimpinan Perdana (YKP). Seramai 2000 orang tetamu hadir sepanjang program berlangsung. Objektif Majlis Pelancaran Ikon Membaca Kebangsaan Yang Amat Berbahagia Tun Dr. Mahathir Mohamad adalah meningkatkan kesedaran kepentingan membaca di dalam kalangan masyarakat, membudayakan membaca di dalam kalangan masyarakat, menggalakkan pembelajaran sepanjang hayat dan cintakan ilmu di dalam kalangan masyarakat, menjadikan Ikon Membaca Kebangsaan sebagai idola yang boleh dicontohi di dalam memupuk budaya membaca di kalangan masyarakat.

Pengisian aktiviti sempena Majlis Pelancaran Ikon Membaca Kebangsaan Yang Amat Berbahagia Tun Dr. Mahathir Mohamad adalah :

- Pemakaian Jubah Ikon Membaca Kebangsaan
 - Penyampaian hadiah kepada pemenang Pertandingan Menulis Esei YABhg Tun Dr. Mahathir Mohamad
 - Penyampaian sijil pengiktirafan Nilai-nilai Murni
 - Sesi Mari Membaca Bersama 1Malaysia
 - Bicara Perdana Ikon Membaca Kebangsaan oleh YABhg Tun Dr Mahathir Mohamad
 - Pameran Hak Cipta
- Pameran Hak Cipta telah diadakan sempena Sambutan Hari Buku dan Hak Cipta.



**SEMINAR RESOURCE DESCRIPTION AND ACCESS (RDA) 27-29 MAC 2012
BERTEMPAT DI PERPUSTAKAAN NEGARA MALAYSIA**

Gambar Dr Barbara semasa ucapannya di seminar tersebut di Auditorium PNM

Dunia perpustakaan kini memasuki era baru dengan pengenalan RDA sebagai standard baru pengkatalogan menggantikan peranan AACR2. Perpustakaan kini beroperasi dalam dunia digital dan berasaskan web yang menjadikan perhubungan antara pendokumentasian dan pengguna di luar perpustakaan semakin penting.

Berdasarkan perubahan besar ini dalam dunia sumber maklumat, Perpustakaan Negara Malaysia telah menganjurkan satu Seminar Resource Description and Access (RDA) dengan tema RDA : The future standards of bibliographic control pada 27-29 Mac 2012 bertempat di Auditorium Perpustakaan Negara Malaysia. Seminar ini telah di rasmikan oleh Yang Berbahagia Dato' Raslin Abu Bakar, Ketua Pengarah Perpustakaan Negara Malaysia dengan kehadiran terdiri dari Pustakawan, Pengurus Pusat Sumber, Pegawai Sistem Maklumat, pensyarah-pensyarah dari organisasi swasta, badan berkanun dan agensi



Gambar kenang-kenangan peserta-peserta seminar

Peranan PNM dalam perkembangan perubahan pendokumentasian bahan semasa ini adalah selari dengan Akta Perpustakaan Negara Malaysia (Pindaan) 1987 Bahagian II, Seksyen 3, para (c) iaitu mengadakan kepimpinan dalam perkara-perkara yang berkaitan dengan perpustakaan. Seminar ini memperkenalkan standard baru kepada semua perpustakaan di Malaysia dengan harapan setiap perpustakaan mengkaji dan menyesuaikan dengan kehendak jabatan masing-masing serta keperluan semasa. Pengenalan standard ini adalah untuk menciptakan kesedaran akan adanya satu standard baru dalam menghadapi perubahan yang besar dan harus disambut dengan positif oleh pustakawan seluruh Malaysia.

Seminar ini dikendalikan oleh Dr. Barbara B. Tillett, Ketua Bahagian Dasar Pendokumentasian dan Standard Library of Congress, U.S. dan dibantu oleh Prof. Madya Salmah Salleh, pensyarah, Fakulti Pendidikan dan Sains Sosial, Universiti Selangor. Dr. Tillett telah menyentuh mengenai latar belakang dan struktur RDA, perbezaan antara RDA dan AACR serta kelebihan RDA, pelaksanaan RDA dan sesi bengkel RDA di kalangan para peserta (Latihan RDA Toolkit).

Semoga dengan adanya seminar seumpama ini dapat menghasilkan satu sistem rekod berkualiti yang boleh digunapakai oleh petugas perpustakaan sebagai panduan dan alat pendokumentasian bagi deskripsi kesemua jenis sumber perpustakaan termasuk digital dan atas talian berasaskan web. Pelaksanaannya akan dimulakan secara berperingkat.

Wacana Manuskrip Melayu


Bertempat di Perpustakaan Negara Malaysia pada 26 Januari 2012 yang lalu telah diadakan Program 'Wacana Manuskrip Melayu' dengan kerjasama Akademi Pengajian Melayu, Universiti Malaya. Program tersebut adalah sebagai pentas mempromosikan penulisan Manuskrip Melayu kepada orang ramai khususnya, golongan pelajar dan pendidik.

Program itu melibatkan perbincangan dan pembentangan kertas kerja berhubung 'Aset Ilmu Rumpun Melayu' oleh Siti Mariani S.M. Omar dan 'Kitab Tib' (Ilmu Perubatan Melayu) oleh Dr. Harun Mat Piah. Pada majlis tersebut, Dato' Ketua Pengarah PNM berkata Manuskrip Melayu tersebut boleh diakses menerusi portal PNM. PNM mempunyai kira-kira 4,600 naskhah Manuskrip Melayu sejak tahun 1985 sehingga sekarang dan sebahagian daripada jumlah itu masih dalam proses pemindahan dalam bentuk format.

Manuskrip Melayu dalam bentuk digital itu adalah usaha menarik minat golongan muda yang kini lebih gemar menggunakan sistem komunikasi yang canggih seperti telefon bimbit blackberry, iphone, computer dan sebagainya untuk mendapatkan maklumat dengan cara yang mudah dan pantas. Sebanyak 2,000 naskhah Manuskrip Melayu (PNM) yang ditulis dalam jawi klasik berusia ratusan tahun ke dalam bentuk digital agar ia boleh diakses lebih mudah dan pantas.



Dr Harun mat Piah sedang asyik membelik helaian asalmanuskrip melayu lama sambil diperhatikan oleh peserta-peserta



Muka hadapan buku Kitab Tib yang ditulis semula oleh penulis Dr Harun mat Piah



Rupa asal sebahagian dari Kitab Tib yang ditulis oleh Dr Harun Mat Piah

MARI MEMBACA 1MALAYSIA

KEMBARA JALUR LEBAR DAN GALAKAN MEMBACA 1MALAYSIA

Program ini merupakan anjuran bersama TM, SKMM, PNM dan MSD Digital Intelligence Sdn. Bhd. telah diadakan pada 14 Januari 2012 di Perpustakaan Desa Kampung Lubok Redan, Melaka bertempat Perpustakaan Desa Kampung Lubok Redan, Melaka. Majlis Perasmian Kembara Jalur Lebar dan Galakan Membaca 1Malaysia telah disempurnakan oleh YB Datuk Wira Abu Seman bin Yusof, Timbalan Menteri Keselamatan Dalam Negeri merangkap Ahli Parlimen Masjid Tanah.

PENGISIAN AKTIVITI

Berikut adalah pengisian aktiviti oleh PNM dan Perpustakaan Desa Kampung Lubok Redan sempena program tersebut:

- Bengkel Literasi Maklumat
Seramai 20 orang peserta telah menyertai bengkel yang bertujuan untuk mendidik masyarakat dengan kaedah pencarian maklumat berkesan. Peserta terdiri daripada penyelia dan petugas Perpustakaan Desa Negeri Melaka serta masyarakat setempat.

- Demonstrasi Pembaikan Buku
Demonstrasi pembaikan buku diadakan di mana pengunjung diajar teknik untuk membaiki buku yang rosak dengan menggunakan kaedah-kaedah pembaikan ringan.

Pertandingan Meneka Jumlah Halaman Buku

Pertandingan ini memerlukan pengunjung untuk meneka jumlah halaman buku yang dipamerkan di ruang aktiviti PNM .



Ucapan perasmian oleh YB Datuk Wira Abu Seman bin Yusof, Timbalan Menteri KDN merangkap Ahli Parlimen Masjid Tanah sempena Kembara Jalur Lebar dan Galakan Membaca 1Malaysia

Suasana di dalam Perpustakaan Desa Kampung Lubok Medan



Bahagian Pemeliharaan, Perpustakaan Negara Malaysia tidak ketinggalan dalam menyertai aktiviti Kembara Jalur Lebar dan Galakan Membaca 1Malaysia

MARI MEMBACA 1MALAYSIA

KEMBARA JALUR LEBAR DAN GALAKAN MEMBACA 1MALAYSIA

Aktiviti Ilmu

Aktiviti berbentuk permainan secara santai seperti permainan pembelajaran, Gali Kata, Bina Kata, Pantas Jawi, dan Silang Kata Jawi diadakan bagi menarik minat kanak-kanak.



Gelagat ayah dan anak tidak ketinggalan semasa pertandingan dijalankan

Pertandingan Mewarna

Pertandingan terbuka kepada semua kanak-kanak tahap 1 dan 2 yang menghadiri Hari Terbuka Perpustakaan Jalur Lebar dan Galakan Membaca 1Malaysia. Seramai 30 orang kanak-kanak telah menyertai pertandingan ini.



Peserta-peserta sedang asyik ketika mewarna ketika pertandingan berlangsung

Demonstrasi K-Jawi

Demonstrasi K-Jawi diadakan bertujuan untuk menunjuk ajar pengunjung menggunakan perisian tersebut.

Pameran Inisiatif Pembangunan Kandungan Digital dan Promosi u-Pustaka

Pameran mengenai Inisiatif Pembangunan Kandungan Digital PNM serta promosi u-Pustaka turut juga diadakan.

Persembahan Silap Mata dan Badut

Persembahan silap mata dan badut diadakan bertujuan untuk menarik pengunjung ke program tersebut.



Salah satu hasil daripada peserta semasa pertandingan Sand Art Coloring



BANGSA MEMBACA

Pertandingan Uji Kecekapan Minda

Pertandingan ini bertujuan menguji kecekapan minda kanak-kanak Tahap 1.

Pertandingan Sand Art Coloring

Pertandingan ini terbuka kepada kanak-kanak tabika / prasekolah. Seramai 20 orang kanak-kanak telah menyertai pertandingan ini.

MARI MEMBACA 1MALAYSIA

**PROGRAM MARI MEMBACA 1MALAYSIA: BACA@ SAYONG
SEMPENA HARI BUKU DAN HAK CIPTA SEDUNIA 2012**



YBhg dato' Ketua Pengarah PNM semasa ucapan beliau di KISDAR, Kuala Kangsar, Perak

Pada 30 April 2012 (Isnin), telah diadakan Program Mari Membaca 1malaysia: Baca@ Sayong Sempena Hari Buku Dan Hak Cipta Sedunia 2012. objektifnya adalah untuk meningkatkan kesedaran komuniti terhadap kepentingan membaca, membudayakan membaca dalam kalangan masyarakat terutamanya masyarakat di daerah Kuala Kangsar dan menggalakkan pembelajaran sepanjang hayat dan cintakan ilmu dalam kalangan warga Malaysia.

Penganjuran program ini merupakan anjuran Kolej KISDAR dan PNM dengan kerjasama Persatuan Karyawan PK bertempat di KISDAR dan Jeti Lembah serta Restoran D' Persisiran Sayong, Kuala Kangsar, Perak. Majlis Perasmian Program Mari Membaca 1Malaysia: Baca@ Sayong Sempena Hari Buku dan Hak Cipta Sedunia telah disempurnakan oleh YB Dato' Mohammad Zahir bin Abdul Khalid, Exco Kerajaan Negeri Perak pada jam 10.00 pagi bertempat di Auditorium KISDAR, Kuala Kangsar, Perak.

Seramai 300 orang jemputan telah hadir sepanjang program tersebut berlangsung.

Pengisian aktiviti yang diadakan adalah seperti berikut:

Syarahan Perdana Sasterawan Negara

Syarahan Perdana Sasterawan Negara telah disampaikan oleh YBhg Datuk Dr. Anuar Ridhuan. Beliau telah memberi pandangannya dan berkongsi ilmu mengenai dunia penulisan pada masa kini.

Sumbangan Bahan Bacaan

Sebanyak 250 naskhah bahan bacaan meliputi 200 judul seperti buku-buku agama, pengurusan dan motivasi disumbangkan kepada Kolej Islam Darul Ridzuan, Perak (KISDAR). Sumbangan bahan bacaan adalah terdiri daripada sumbangan oleh agensi berikut:

Bil	Agensi penyumbang	Jumlah Judul	Jumlah Naskhah
1.	PNM	150	150
2.	Utusan Publications & Distributors Sdn.Bhd.	50	100
Jumlah		200	250

Jom Baca Bersama

Program ini akan melibatkan semua peserta termasuk pelajar-pelajar serta orang awam yang terlibat untuk membaca beramai-ramai. Buku yang dibaca merupakan buku Antologi Puisi Pangkor 1 yang diselenggara oleh Encik Malim Ghazali PK.

MARI MEMBACA 1MALAYSIA

PELANCARAN PROGRAM BACALAH...KAMU MASIH DI HATI



Datuk Wira Zulkifli Omar, Ketua Pengarah Penjara ketika menerima cenderahati di pentas perasmian

Dalam usaha menggalakkan amalan membaca di kalangan warga institusi penjara, Perpustakaan Negara Malaysia (PNM) dan Jabatan Penjara Malaysia mengadakan Program Bacalah...Kamu Masih Di Hati di Penjara Pusat Kinabalu. Program ini telah dirasmikan oleh Ketua Pengarah Penjara, Datuk Wira Zulkifli Omar. Dalam program ini, Zulkifli turut merasmikan Pusat Sumber Datu Paduka Mat Salleh, Sekolah Integriti Kota Kinabalu iaitu sekolah pemulihan untuk banduan berumur 21 tahun ke bawah yang terletak di dalam kompleks penjara ini.

Antara pengisian aktiviti bengkel literasi maklumat dan Mari Membaca Bersama. Selain itu, program ini turut diserikan dengan kehadiran Angkasawan Negara, Dato' Sheikh Muszaphar Shukor Al-Masrie yang menyampaikan ceramah motivasi kepada penghuni institusi penjara dan pelajar sekolah berdekatan. PNM turut menyampaikan sumbangan bahan bacaan untuk perpustakaan.



Tetamu-terhormat berdiri menyanyikan lagu kebangsaan dan lagu mari membaca

Kemudahan perpustakaan yang disediakan telah membantu pelajar mengulangkaji pelajaran sekaligus menyumbang kepada peningkatan pencapaian akademik pelajar di penjara. Keputusan SPM bagi tahun 2011 mencatatkan daripada seramai 108 orang yang menduduki peperiksaan, 100 orang telah lulus dengan peratusan 91.67%. Gred purata sekolah ialah 4.47%, lebih baik daripada purata kebangsaan iaitu 5.04%. Pada tahun ini 13 mata pelajaran telah mencatat kelulusan melebihi 80%. Antara pencapaian cemerlang pada tahun ini seorang pelajar telah mendapat 9A, 3 orang mendapat 6A dan 2 orang telah mendapat keputusan 5A. Seorang pelajar Sekolah Integriti Kajang telah menjadi salah seorang pelajar terbaik SPM peringkat negeri Selangor.



Bergambar kenangan sebelum pulang

MARI MEMBACA 1MALAYSIA

KARNIVAL MEMBACA 1MALAYSIA PERPUSTAKAAN DESA KAMPUNG GAGU, JELEBU, NEGERI SEMBILAN



YBhg Dato' Raslin bin Abu Bakar bergambar di pentas semasa acara perasmian

Tuan Haji Amrus bin Ibrahim semasa ucapan perasmian beliau di Perpustakaan Desa Kampung Jelebu, Negeri Sembilan



Program Karnival Membaca Membaca 1Malaysia Perpustakaan Desa Kampung Gagu telah diadakan pada 10 Mac 2012 di Perpustakaan Desa Kampung Gagu, Jelebu, Negeri Sembilan.

Karnival Membaca 1Malaysia PD Kampung Gagu merupakan program galakan membaca yang diadakan dengan kerjasama JKKK Kampung Gagu. Melalui kerjasama yang dijalinan ini secara tidak langsung dapat memberi manfaat kepada masyarakat setempat melalui pelbagai aktiviti yang dijalankan dan seterusnya memaksimumkan penggunaan kemudahan yang terdapat di PD tersebut.

Objektif program adalah untuk:

Meningkatkan kesedaran di kalangan penduduk kampung tentang kepentingan ilmu pengetahuan serta amalan membaca pembelajaran sepanjang hayat.

Memupuk minat membaca di kalangan masyarakat Malaysia.

Mempromosikan perkhidmatan Perpustakaan Desa di kalangan masyarakat setempat. Program ini merupakan anjuran bersama Jawatankuasa Keselamatan Kampung (JKKK) Kampung Gagu dan PNM.

Majlis Perasmian Karnival Membaca 1Malaysia Kampung Gagu telah disempurnakan oleh Tuan Haji Amrus bin Ibrahim, Setiausaha Politik Kepada YB Menteri Penerangan Komunikasi dan Kebudayaan. Majlis ini juga turut dihadiri oleh YBhg Dato' Raslin bin Abu Bakar, Ketua Pengarah PNM.

Antara pengisian aktiviti oleh PNM dan Perpustakaan Desa Kampung Gagu sempena program tersebut:

Bengkel Literasi Maklumat

Seramai 22 orang peserta telah menyertai bengkel yang bertujuan untuk mendidik masyarakat dengan kaedah pencarian maklumat berkesan. Peserta terdiri daripada dua belas penyelia Perpustakaan Desa diseluruh Negeri Sembilan serta masyarakat setempat.

Demonstrasi Pembaikan Buku

Demonstrasi pembaikan buku diadakan di mana pengunjung diajar teknik untuk membaiki buku yang rosak dengan menggunakan kaedah-kaedah pembaikan ringan.

MARI MEMBACA 1MALAYSIA

KARNIVAL MEMBACA 1MALAYSIA PERPUSTAKAAN DESA KAMPUNG GAGU, JELEBU , NEGERI SEMBILAN

Pertandingan Meneka Jumlah Halaman Buku

Pertandingan ini memerlukan pengunjung untuk meneka jumlah halaman buku yang dipamerkan di ruang aktiviti PNM .



Antara suasana semasa acara pendaftaran berlangsung

Aktiviti Mewarna

Aktiviti berbentuk permainan secara santai seperti permainan pembelajaran, Gali Kata, Bina Kata, Pantas Jawi, dan Silang Kata Jawi diadakan bagi menarik minat kanak-kanak.



Peserta sedang menyertai pertandingan mewarna yang dijalankan

Pertandingan Mewarna

Pertandingan terbuka kepada semua kanak-kanak tahap 1 yang menghadiri Karnival Membaca 1Malaysia Perpustakaan Desa Kampung Gagu. Seramai 51 orang kanak-kanak telah menyertai pertandingan ini yang merupakan kanak-kanak dari tadika yang berhampiran iaitu Tadika Triang.



Menirap juga boleh mendapatkan mod

Persembahan Silap Mata dan Badut

Persembahan silap mata dan badut diadakan bertujuan untuk menarik pengunjung ke program tersebut.



Badut dengan acara silap matanya di pentas

MARI MEMBACA 1MALAYSIA

KARNIVAL MEMBACA 1MALAYSIA PERPUSTAKAAN DESA KAMPUNG GAGU, JELEBU , NEGERI SEMBILAN

Pertandingan Masakan Rendang

Pertandingan ini terbuka kepada semua penduduk Kampung Gagu dan juga penduduk sekitar yang berhampiran. Seramai 11 orang peserta telah menyerta pertandingan ini.



Salah satu gambaran mengenai masakan rendang yang telah dipertandingkan

Pertandingan Gubahan Bunga

Pertandingan ini juga terbuka kepada semua penduduk yang berhampiran. Seramai 8 orang telah menyertai pertandingan ini.



Peserta-peserta tidak sabar menunggu keputusan

Pertandingan Karaoke

Pertandingan Karaoke yang terbuka kepada golongan veteran telah disertai oleh 6 orang peserta.



Salah seorang peserta beraksi di pentas

Persembahan Artis Jemputan

Artis Jemputan daripada Negeri Sembilan iaitu Aisyah telah menghiburkan penonton dengan dendangan beberapa buah lagu yang menarik. Kehadiran penyanyi ini telah dibawa khas oleh stesyen radio tempatan iaitu Stesyen Negeri FM.



Artis jemputan mempersembahkan beberapa buah lagu

MARI MEMBACA 1MALAYSIA

KARNIVAL MEMBACA 1MALAYSIA PERPUSTAKAAN DESA KAMPUNG GAGU, JELEBU, NEGERI SEMBILAN

Sesi Cabutan Bertuah

Cabutan bertuah telah juga telah trut diadakan bagi menarik pengunjung serta memeriahkan memeriahkan program Karnival Mari Membaca 1Malaysia Perpustakaan Desa Kampung Gagu.

Jualan Buku Oleh Syarikat Penerbitan Buku Utusan Publications Dan Mawaddah

Jualan Buku Oleh Penerbit Utusan Publications dan Mawaddah turut diadakan dan telah mendapat sambutan yang baik dari masyarakat setempat.

Antara pengisian aktiviti oleh JKKK pula ialah:

- Jualan TM
- Jualan Produk IKS Kampung Gagu
- Pameran dan aktiviti oleh Jabatan Kesihatan Daerah, Pendaftaran Pemilih Oleh Suruhanjaya Pilihanraya Malaysia

Kesimpulannya, Karnival Membaca 1Malaysia Kampung Gagu merupakan satu medium yang baik dalam usaha mempromosikan Perpustakaan Desa Kampung Gagu sebagai salah satu pusat komuniti. Ia mampu memberi impak yang positif untuk menarik lebih ramai pengunjung ke perpustakaan berkenaan seterusnya menggunakan kemudahan yang disediakan oleh



Dato' Ketua Pengarah menyampaikan hadiah bagi cabutan bertuah



Salah seorang pengunjung asyik membelek buku

Kerajaan. Dengan kelengkapan bahan bacaan yang sesuai untuk pelbagai peringkat umur disuntik pula dengan kemudahan kemudahan internet kepada penduduk setempat akan menjadikan perpustakaan ini sebagai tempat tumpuan kepada masyarakat setempat.

Dengan adanya kemudahan komputer, printer dan internet yang disediakan disamping pelbagai koleksi bahan bacaan, penduduk setempat akan lebih berinformasi seterusnya mampu mencapai objektif program iaitu merapatkan jurang digital dan ilmu antara masyarakat bandar dan luar bandar. Kehadiran 300 pengunjung ke program ini merupakan satu perkembangan yang baik dalam usaha menggalakan masyarakat terus menggunakan perpustakaan tersebut sebagai wardah ilmu sepanjang hayat.

MARI MEMBACA 1MALAYSIA

WACANA MEMARTABATKAN BAHASA MALAYSIA DAN MEMPERKUKUHKAN BAHASA INGGERIS (MBMMBI)

Program Wacana Memartabatkan Bahasa Malaysia dan Memperkukuhkan Bahasa Inggeris (MBMMBI) anjuran Sekolah Kebangsaan (SK) Setiawangsa dengan kerjasama Perpustakaan Negara Malaysia (PNM) yang telah diadakan pada 19 dan 20 Mei 2012 (Sabtu dan Ahad) bertempat di PNM. Program ini merupakan anjuran Anjuran SK Setiawangsa dengan kerjasama PNM. Seramai 400 orang jempunan telah hadir sepanjang program berlangsung.

Wacana MBMMBI merupakan salah satu program yang dianjurkan oleh Sekolah Berprestasi Tinggi (SBT) dan Sekolah Antarabangsa. Tujuan program ini diadakan adalah untuk memberi pendedahan kepada murid-murid dalam program kurikulum di peringkat Kebangsaan dan peringkat Antarabangsa disamping peserta dapat menimba pengalaman baru. Objektif program ini ialah untuk memberi pendedahan kepada murid-murid sekolah mengenai kepentingan penggunaan Bahasa Malaysia dan Bahasa Inggeris dengan betul dan tepat.

Majlis Perasmian Penutup Wacana Memartabatkan Bahasa Malaysia dan Memperkukuhkan Bahasa Inggeris (MBMMBI) telah disempurnakan oleh YBhg Dato' Raslin bin Abu Bakar Ketua Pengarah Perpustakaan Negara Malaysia pada jam 2.30 petang bertempat di Auditorium PNM.

Ucapan Perasmian
Penutup oleh
YBhg Dato' Raslin bin
Abu Bakar
Ketua Pengarah PNM



Sesi Penyampaian Cenderamata oleh Tuan Haji Ruslan bin Madon, Guru Besar SK Setiawangsa kepada YBhg Dato' Raslin bin Abu Bakar, Ketua Pengarah PNM

Pengisian aktiviti yang diadakan adalah Pertandingan Bercerita dalam bahasa Melayu dan Inggeris, Pidato, Public Speaking dan International Open Story Telling Competition. Pertandingan ini melibatkan penyertaan dari sekolah-sekolah berprestasi tinggi dari seluruh negara. Pertandingan peringkat saringan dan pertandingan peringkat akhir telah diadakan pada 19 dan 20 Mei 2012 di PNM.

MARI MEMBACA 1MALAYSIA

WACANA MEMARTABATKAN BAHASA MALAYSIA DAN MEMPERKUKUHKAN BAHASA INGGERIS (MBMMBI)

Antara kategori yang dipertandingkan ialah :

Pertandingan Bercerita

Pertandingan ini telah melibatkan 23 penyertaan. 6 penyertaan dengan markah tertinggi telah bertanding di peringkat akhir. Pertandingan ini diadakan dalam Bahasa Malaysia dan Bahasa Inggeris.

Pertandingan Pidato

Pertandingan Pidato turut diadakan dengan melibatkan 19 penyertaan. Pertandingan ini diadakan untuk murid tahap 2. 6 penyertaan dengan markah tertinggi telah bertanding di peringkat akhir pada 20 Mei 2012.

Public Speaking Competition

Public Speaking Competition dengan 6 penyertaan tertinggi yang bertanding di peringkat akhir melibatkan 24 penyertaan dari 28 buah sekolah.



Peserta yang menyertai Public Speaking Competition juga tidak kurang hebatnya

International Open Story Telling Competition

Pertandingan ini merupakan pertandingan dengan penyertaan dari sekolah-sekolah di peringkat antarabangsa yang melibatkan negara-negara Asia Tenggara seperti Indonesia, Brunei dan Singapura yang melibatkan 30 penyertaan. Pertandingan ini juga telah diadakan pada 19 Mei 2012 di peringkat saringan. Sebanyak 6 penyertaan tertinggi telah bertanding di peringkat akhir pada 20 Mei 2012.



Aksi salah seorang peserta dalam pertandingan International Open Story Telling Competition

Dengan ada program sebegini, ia mampu melahirkan modal insan berkualiti tinggi yang diperlukan dalam pasaran kerja negara. Manakala amalan membaca juga mencerminkan ilmu pengetahuan yang diperolehi dan dapat menjadikan amalan seharian agar pelajar dapat menjadi masyarakat yang berilmu pengetahuan dan dapat menjadi rakyat yang berguna kepada masyarakat, negara dan bangsa.

MARI MEMBACA 1MALAYSIA

ORE MALAYSIA VAASIKKA VAARUNGGAL



YB Senator Datuk Timbalan Menteri PKK menandatangani plak bagi melancarkan 2 buah Novel Tamil yang telah memenangi Anugerah Pertandingan Novel anjuran PPTM dan Astro 2007

Program Mari Membaca 1Malaysia: Ore Malaysia Vaasikka Vaarunggal anjuran bersama Persatuan Penulis Penulis Tamil Malaysia telah diadakan pada 25 Mac 2012 di Auditorium PNM. Program Mari Membaca 1Malaysia : Ore Malaysia Vasikka Varunggal merupakan program yang disasarkan kepada kaum India di Malaysia.

Tujuan program ini diadakan adalah untuk menyokong Konsep Satu Malaysia serta Strategi Lautan Biru (Blue Ocean Strategy) berteraskan Gagasan 1Malaysia yang mahu menjadikan setiap rakyat Malaysia yang berkecayaan dan memerlukan bantuan serta pertolongan dibantu dan tiada pihak yang akan dicirikan. Disamping itu, konsep ini juga adalah untuk memastikan setiap anak Malaysia adalah potensi modal insan yang penting kepada negara dan perlu dimanfaatkan sebaik-baiknya serta memastikan tiada rakyat Malaysia yang terpinggir daripada mendapat perhatian kerajaan. Penganjur program ini ialah Persatuan Penulis Penulis Tamil Malaysia (PPTM) dengan PNM. Majlis Perasmian telah disempurnakan oleh Yang Berhormat Senator Datuk Maglin Dennis D`Cruz,

Timbalan Menteri Penerangan Komunikasi dan Kebudayaan. Dianggarkan seramai 500 orang telah menghadiri program ini.

Pengisian Mari Membaca 1Malaysia: Ore Malaysia Vaasikka Vaarungga merangkumi aktiviti galakan membaca dan penulisan seperti berikut :

- Pelancaran Novel YB Datuk Senator Timbalan Menteri Penerangan Komunikasi dan Kebudayaan telah melancarkan dua buah novel yang telah memenangi hadiah dalam Pertandingan Novel anjuran PPTM dan Astro 2007. Novel-novel tersebut adalah Novel hasil tulisan penulis muda K. Balamurugan yang bertajuk Nagarntu Kondirukkum Vaasalgal dan Novel Pirivugal Nirantaramillai hasil tulisan K. Subramaniam.

- Anugerah Penulis Tamil Tempatan Penganugerahan telah diberikan kepada penulis-penulis Tamil tempatan yang telah banyak menyumbangkan karya dalam penulisan. Seramai 10 orang penulis telah menerima penganugerahan tersebut.

MARI MEMBACA 1MALAYSIA

ORE MALAYSIA VAASIKKA VAARUNGGAL



Pertandingan ulasan novel telah diadakan dengan melibatkan pelajar-pelajar universiti

- Pameran dan Jualan Buku
Pameran dan jualan buku pelbagai genre telah diadakan oleh pembekal-pembekal buku dan penulis-penulis Tamil sendiri.

- Pertandingan Menulis Sajak
Pertandingan ini telah diadakan selama 30 minit secara santai dimana pelajar-pelajar telah menulis sajak berkaitan pembacaan dan pemenang telah diumumkan pada masa tersebut.

- Tayangan Video
PPTM telah mengadakan tayangan video mengenai Bacaan Kegemaran Saya (BKS). Tayangan video ini merupakan klip video ikon membaca kaum India yang telah dirakam untuk berkongsi maklumat mengenai buku-buku yang digemari oleh mereka dan yang terdapat di pasaran.

Barisan penulis-penulis Tamil yang telah dianugerahkan dengan Anugerah Penulis-Penulis Tamil

- Ulasan Novel
Pelajar-pelajar kolej dan universiti telah mengadakan perbincangan mengenai 2 buah novel yang telah dipilih bagi menyatakan pandangan dan pendapat mereka mengenai novel tersebut.

- Ucapan Tokoh Sasterawan
PPTM telah menjemput tokoh sasterawan ulung Tamil iaitu YBhg Dato' Theiveegan, Timbalan Ketua Polis Negeri Selangor menyampaikan ucapan bagi memberi galakan dan dorongan kepada generasi muda untuk menghasilkan karya-karya penulisan yang bermutu.



YB Senator Datuk Timbalan Menteri PKK menyampaikan anugerah kepada salah seorang penulis



PROGRAM PENDIDIKAN PENGGUNA

Program Pendidikan Pengguna diperkenalkan oleh Perpustakaan Negara Malaysia adalah bertujuan bagi menyediakan latihan kepada umum terutamanya pelajar sekolah tentang bagaimana untuk mendapatkan kemahiran dan juga pengetahuan untuk mengakses maklumat. Selain dari itu, program ini juga dapat menggalakkan proses intelektual dan kemahiran teknologi maklumat dalam usaha pengesanan dan dapatan maklumat selaras dengan dunia maklumat global.

Program sehari ini merangkumi 2 segmen yang melibatkan ceramah tentang Perkhidmatan PNM, Sumber-sumber Rujukan Asas, Pengenalan OPAC CHAMO, Penerangan Pangkalan Data MYLIB serta Penerangan Perkhidmatan Hipermedia dan juga lawatan ke Pusat Manuskrip Melayu, Perkhidmatan Mikrofilm serta Bahagian Pemuliharaan.

Antara sekolah yang terlibat dari bulan Januari sehingga April 2012 adalah seperti berikut:-

1. SMK Teknik Kuala Lumpur	-	28 Februari 2012
2. SMK Taman Desa Bakti	-	29 Februari 2012
3. SMK Taman Klang Utama	-	1 Mac 2012
4. SMK Lembah Keramat	-	6 Mac 2012
5. SMK Convent, Jalan Peel	-	20 Mac 2012
6. SMK Puterijaya	-	21 Mac 2012
7. SMK Raja Abdullah	-	22 Mac 2012
8. SMK Bukit Jalil	-	27 Mac 2012
9. SMK Puchong Permai	-	28 Mac 2012
10. SMK Taman Maluri	-	29 Mac 2012
11. SMK Sultan Abdul Aziz Shah	-	4 April 2012
12. SMK Wangsa Maju Seksyen 2	-	10 April 2012
13. SMK (P) Pudu	-	10 April 2012
14. SMK (P) Kapar	-	12 April 2012
15. SM (A) Persekutuan Kajang	-	17 April 2012
16. SMK Seri Bintang Utara	-	18 April 2012
17. SMK Bandar Baru Sg. Buloh	-	19 April 2012
18. SMK Puteri Titiwangsa	-	25 April 2012
19. SMK La Salle, Sentul	-	26 April



Peserta lawatan ke PNM yang selesai semasa sesi pengguna PNM bergambar kenangan



Salah satu gambaran suasana di Pusat Hipermedia Dewasa, PNM semasa lawatan dan sesi pendidikan pengguna PNM



Salah satu Guru pengiring pelajar-pelajar semasa lawatan ke PNM menerima menyampaikan cenderahati kepada salah seorang pegawai PNM

KEMPEN KEAHLIAN PERPUSTAKAAN NEGARA MALAYSIA

Dalam usaha untuk meningkatkan kesedaran dan budaya membaca di kalangan masyarakat Malaysia, PNM telah mengadakan aktiviti Kempen Keahlian PNM di luar premis PNM. Di samping meningkatkan jumlah keahlian PNM, kempen ini sekaligus dapat mendekatkan masyarakat dengan PNM serta mempromosikan perkhidmatan-perkhidmatan yang disediakan di PNM.

Antara lokasi sepanjang bulan Januari sehingga April 2012 adalah seperti berikut :-

1. Kolej Komuniti Ledang, Johor
21 Februari 2012
2. Hospital Sungai Buloh
22 – 23 Februari 2012
3. PWTC, KL (1Malaysia Book Expo)
1 – 6 Mac 2012
4. Taman Ehsan Kepong
3 Mac 2012
5. Balai Seni Lukis Negara
10 Mac 2012
6. Pusat Darah Negara
14 Mac 2012
7. RTC Gopeng
16 – 18 Mac 2012
8. Kompleks Kraf
21 Mac 2012
9. Kolej PTPL Sentral
3 April 2012
10. Persatuan Kaunseling Antarabangsa Malaysia
4 April 2012
11. BERNAMA
5 April 2012
12. Universiti Malaysia Terengganu
26 April 2012
13. Pesta Buku Antarabangsa KL
27 April – 6 Mei 2012



Kakitangan Perpustakaan Negara Malaysia giat menjalankan kempen keahlian perpustakaan di seluruh negara



Antara senario kanak-kanak yang menyertai aktiviti yang disediakan oleh penganjur



Di Booth PNM juga terdapat pelbagai brosur-brosur bagi mempromosi perkhidmatan yang disediakan oleh PNM

AKTIVITI DI PERPUSTAKAAN NEGARA MALAYSIA (PNM) SEPANJANG JANUARI HINGGA APRIL 2012

KRAFTANGAN ORIGAMI SEMPENA PROGRAM 1MALAYSIA BOOK EKSPLO 2012@PWTC

Tarikh : 3 Februari 2012 (Jumaat)
Masa : 11.00 pagi – 12.00 tghr
Tempat : Ruang PNM, PWTC

Aktiviti ini dikendalikan oleh kakitangan Bahagian Pinjaman Perpustakaan Negara Malaysia. Aktiviti ini telah disertai oleh seramai 30 orang pelajar tadika. Dalam aktiviti ini, mereka diajar menghasilkan kraftangan kreatif dengan menggunakan kaedah lipatan atau lebih dikenali dengan nama origami. Mereka diberi tunjuk ajar oleh petugas tentang cara-cara menghasilkan lobak merah dan buah anggur dengan menggunakan kaedah lipatan. Aktiviti ini amat menyeronokkan dan memupuk minda kreatif kanak-kanak. Di samping seronok membuat aktiviti, mereka juga turut digalakkan untuk mendaftar sebagai ahli Perpustakaan Negara untuk membolehkan mereka meminjam pelbagai koleksi buku yang terdapat di perpustakaan. Hal ini secara tidak langsung mendorong kanak-kanak kearah minat membaca.

AKTIVITI ORIGAMI SEMPENA RAKAMAN LAPORAN KHAS RTM DI PERPUSTAKAAN NEGARA

Tarikh : 9 Mac 2012 (Jumaat)
Masa : 11.00 pagi – 12.00 tengah hari
Tempat : Teater Kanak-kanak

Aktiviti ini dijayakan bersama pelajar Tabika KEMAS KKKA Parlimen Titiwangsa, Jalan U- Thant. Seramai 60 orang pelajar beserta dengan 10 orang guru pengiring terlibat dalam menjayakan aktiviti ini. Mereka diajar

KRAFTANGAN KAIN FELT BERSAMA SIS HALEY

Tarikh : 21 Februari 2012 (Selasa)
Masa : 10.30 pagi- 12.30 tengah hari
Tempat : Teater Kanak-kanak

Aktiviti ini merupakan satu aktiviti yang diadakan khas untuk kakitangan Perpustakaan Negara Malaysia dan juga pembaca dewasa dan remaja. Seramai 25 orang peserta telah menyertai aktiviti ini yang dilangsungkan selama dua jam. Tenaga pengajar kraftangan kain felt ini merupakan seorang pembaca berdaftar Perpustakaan Negara yang mempunyai kepakaran dalam menghasilkan pelbagai jenis kraftangan daripada kain felt. Beliau juga kerap meminjam buku-buku kraftangan. Dalam episod kali ini, sis Haley telah mengajar teknik menghasilkan aksesori rambut yang comel iaitu cekak rambut dan kelip rambut dengan menggunakan kain felt. Aktiviti ini banyak memberi faedah kepada semua peserta dalam menghasilkan kraftangan yang kreatif.

menghasilkan pelbagai jenis kraftangan menggunakan teknik lipatan origami. Misalnya seperti baju, burung, kapal, kucing dan sebagainya. Laporan khas yang bertajuk 'Laporan Khas Cuti Sekolah Bermula: Bagaimana Mengisinya?' ini disiarkan di RTM 1 pada 10 mac 2012. Hal ini dapat memberi informasi kepada masyarakat Malaysia melalui media massa tentang kaedah yang boleh dimanfaatkan untuk mengisi masa lapang terutamanya bagi anak-anak di musim cuti sekolah.

SENI DAN WARISAN: PERTANDINGAN CONGKAK

Tarikh : 10 Mac 2012 (Sabtu)
Masa : 11.00 pagi – 12.00 tengah hari
Tempat : Teater Kanak-kanak

Aktiviti ini diadakan bersempena dengan cuti sekolah pada bulan Mac dengan objektif member pendedahan kepada nilai budaya dan warisan masyarakat Malaysia melalui permainan tradisional. Pertandingan ini melibatkan penyertaan daripada pembaca kanak-kanak yang berumur 7 hingga 12 tahun. Pertandingan dibahagikan kepada dua kategori iaitu tahap satu dan dua. Setiap pemenang diberikan sedikit hadiah sebagai ganjaran. Aktiviti ini mendapat sambutan yang menggalakkan. Dengan adanya aktiviti ini menggalakkan kanak-kanak untuk berkunjung ke perpustakaan dan menambahkan kesedaran minat membaca di kalangan kanak-kanak dan ibu bapa.

MARI MENCARI PERKATAAN TERSEMBUNYI

Tarikh : 13 Mac 2012 (Selasa)
Masa : 11.00 pagi -12.00 tengah hari
Tempat : Teater Kanak-kanak

Aktiviti ini melibatkan kanak-kanak berumur 7 hingga 12 tahun. Objektif utama aktiviti ini adalah bagi memperkasakan penguasaan tatabahasa dan juga menguji minda kanak-kanak. Aktiviti ini dibahagikan kepada dua kategori iaitu tahap satu dan dua. Mereka diberi masa selama satu jam untuk menyelesaikan teka silang kata tersebut. Mereka yang dapat menyelesaikan teka silang kata tersebut dengan cepat dan tepat dianggap sebagai pemenang dan diberikan sedikit ganjaran sebagai hadiah. Dengan adanya aktiviti di musim cuti sekolah ini menggalakkan kanak-kanak dan ibu bapa berkunjung ke perpustakaan. Hal ini akan meningkatkan kesedaran terhadap pentingnya budaya membaca.

JOM MELUKIS

Tarikh : 15 Mac 2012 (Khamis)
Masa : 11.00 pagi – 12.00 tengah hari
Tempat : Teater Kanak-kanak

Sasaran dalam aktiviti ini ialah kanak-kanak berumur 7 hingga 12 tahun. Aktiviti ini bertemakan potret. Kanak-kanak terlibat diberi peluang secara bebas memikirkan potret idola mereka untuk diilhamkan dalam bentuk lukisan.

Mereka diberi masa selama satu jam untuk menyiapkan hasil lukisan mereka. Aktiviti ini member faedah dari aspek menjana imaginasi mereka ke dalam bentuk lukisan dan menggalakkan perkembangan minda mereka untuk memikirkan sesuatu secara logik. Hal ini juga secara tidak langsung dapat memberi peluang kepada kanak-kanak berinteraksi antara satu sama lain di samping mereka dating ke perpustakaan untuk membaca atau meminjam buku.

AKTIVITI DI PERPUSTAKAAN NEGARA MALAYSIA (PNM) SEPANJANG JANUARI HINGGA APRIL 2012

MAHIR JAWI

Tarikh : 17 Mac 2012 (Sabtu)
Masa : 11.00 pagi – 12.00 tengah hari
Tempat : Teater Kanak-kanak

Sasaran dalam aktiviti ini ialah kanak-kanak berumur 7 hingga 12 tahun. Bertepatan dengan hasrat untuk membudayakan tulisan jawi, maka diadakan aktiviti ini sempena cuti sekolah. Dalam aktiviti ini, kanak-kanak dibahagikan kepada lima kumpulan dan setiap kumpulan diberikan satu set puzzle jawi. Mereka diberi masa 45 minit untuk menyelesaikan puzzle kumpulan masing-masing. Aktiviti ini banyak member faedah dari aspek kemahiran membaca jawi dan juga memupuk nilai kerjasama dikalangan kanak-kanak.

CERDIK CERIA BERSAMA SI CILIK DAN CERAMAH KEIBUBAPAAN DAN PENDIDIKAN AWAL KANAK-KANAK

Tarikh : 24 Mac 2012 (Sabtu)
Masa : 10.00 pagi – 12.00 tGHR
Tempat : Teater Kanak-kanak

Program ini akan melibatkan 100 orang kanak-kanak Tabika KEMAS Parlimen Titiwangsa yang berumur 5 hingga 6 tahun. Tujuan program ini ialah memberi pendedahan kepada kanak-kanak tentang aktiviti-aktiviti yang dianjurkan di Perpustakaan Kanak-kanak. Mereka yang terlibat disajikan dengan sesi bercerita dan juga scratch art.

Selain itu juga, program ini akan melibatkan 50 orang ibubapa dan 20 orang guru pengiring. Melalui aktiviti ini, secara tidak langsung akan meningkatkan pengetahuan, kemahiran dan kesedaran ibubapa terhadap pendidikan kanak-kanak.

BANGSA MEMBACA



BANGSA BERJAYA

holiday fun



Lagu Tema Kempen Membaca

Budaya Membaca

Semaine di jiwa budaya membaca
Pasti bertambah ilmu yang ada
Bangsa dan usia bukan ukuran
Yang membezakan...Kebijaksanaan

Beraneka jenis bahan bacaan
Yang bermanfaat pilihan utama
Orang berilmu dipandang mulia
Semaine budaya membaca

Korus
Bacalah bacalah mari membaca
Mudah dilakukan di mana berada
Bacalah dengan mata dan hati
Dunia luas kita terokai

Bacalah bacalah mari membaca
Jadikan membaca budaya kita (4x)

Jadikan membaca...Budaya kita....

Lagu: Pak Ngah • Lirik: Habsah Hassan

Lokasi Perpustakaan Negara Malaysia



PERPUSTAKAAN
NEGARA MALAYSIA

232 Jalan Tun Razak, 50572 Kuala Lumpur
Tel: 03-26871700 Faks: 03-26927082
Laman Web : <http://www.pnm.gov.my>